



**Uunga siunnersuut: UPA 2019/208 – Tarnimikkut napparsimasunik
nammineersinnaajunnaarsitsisarneq allatigullu pinngitsaaliissummik iliuuseqartarneq pillugit
Inatsisartut Inatsisaat nr. xx, xx. xxx 2019-imeersoq.**

(Peqqissutsimut Isumaginninnermut Inatsisinullu Atuutsitsinnermut Naalakkersuisoq)
(Siullermeerneqarnera)

Uani pivarput siunnersuut pisariaqarluinnartoq qularnaarisussat malittarisassanik ersarissunik nammineersinnaajunnaartitaasimasoqartillugu aamma allatigut tarnimikkut napparsimasunik pinngitsaaliisoqassatillugu. Siunnersuutikkut aamma napparsimasup pisinnaatitaaffii mannamut malittarisassanut naleqqiullugu pitsaanerusumik qularnaarneqassapput.

Soorlu oqaatigineqarsinnaavoq napparsimasut sapinngisamik akuutinneqartalernissaat sunniuteqarfigalugulu katsorsartinnissartik aamma allatigut imminnut tunngassuteqartut.

Demokraatinulli pingaaruteqarpoq oqaatigissallugu isumaqaratta nakorsap nalilersortariaqartassagaa ilumut napparsimaruluttoq pinngitsaalillugu unitsinneqassanersoq imaluunniit assigusumik pineqassanersoq. Pineqarpormi napparsimasumut pitsaanerpaamik iliuuseqarnissaq - aamma napparsimasoq imatut inissisimappat allaat nammineq nalullugu sumiinnerluni aamma suna imminut pitsaanerpaanersoq.

Demokraatini aamma paasivarput inatsit pisarput pisariaqartoq, paasinarmat maannakkut malittarisassat atuuttut naammangitsut. Ilaatigut Inatsisartut Ombudsmandeqarfiani nakkutilliisartut Tarnimikkut napparsimasut SANA-mi immikkoortortaanut A1-mut nakkutilliiartorsimapput kingornalu nalunaarusiorlutik tikkuarlugit pissutsit pitsaanngitsut kiisalu tarnimikkut napparsimasut pillugit inatsisip nalunaarutillu inatsimmik tunngavillit akornanni inatsisitigut assortuuttoqartoq.

Demokraatini qulaani allassimasut tunngavigalugit siunnersuut ilalerparput innersuussutigalugulu Inatsisinut Ataatsimiititaliami suliareqqinneqassasoq.